



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<Յ>> ապրիլի 2019թ.

Ո Ր Ո Շ ՈՒ Մ No. 533/44-ՀՀ

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով անհատ ձեռնարկատեր Արմեն Գասպարյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Արմեն Գասպարյանի (ՀՎՀՀ 78643354, հասցե՝ ՀՀ Սյունիքի մարզ ք. Կապան Շինարարների փ. 11-6, պետ. գրանցման համարը՝ 27.02372) <28> մարտի 2019 թվականի դրությամբ չկատարված հարկային պարտավորությունը կազմել է 507.147 դրամ, որից ապառք՝ 324.374 դրամ, տույժ՝ 182.773 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <29> մարտի 2019 թվականին ԱԶ Ա.Գասպարյանը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացրել և նշվածի վերաբերյալ որևէ բացատրություն չի տվել:

ՀՀ վարչական դատարանը 29.04.2014թ.-ին թիվ ՎԴ1/0270/05/13 վարչական գործով վճռել է ԱԶ Ա.Գասպարյանից 270.000 դրամ բռնագանձելու մասին, որի մեջ ներառված է եղել եկամտահարկ՝ 12.200 դրամ (ապառք՝ 9.100 դրամ, տույժ՝ 3.100 դրամ), սոցիալական ապահովության վճար՝ 74.400 դրամ (ապառք՝ 48.700 դրամ, տույժ՝ 25.700 դրամ), եկամտային հարկ՝ 155.000 դրամ (ապառք՝ 129.700 դրամ, տույժ՝ 25.300 դրամ), շրջանառության հարկ՝ 28.400 դրամ (ապառք՝ 25.500 դրամ, տույժ՝ 2.900

դրամ): Պարտավորությունների վերահաշվարկման արդյունքում նվազել է սոցիալական ապահովության վճարի գումարը՝ 29.128 դրամ (ապառք՝ 19.443 դրամ, տույժ՝ 9.685 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **266.275 դրամ**, որից՝

Եկամտային հարկի գծով պարտավորությունը կազմում է **224.631 դրամ**, որից ապառք՝ 112.269 դրամ, տույժ՝ 112.362 դրամ, որն առաջացել է 2013 թվականի նոյեմբեր, դեկտեմբեր, 2014 թվականի հունվար, փետրվար ամիսների եկամտային հարկի և սոցիալական վճարի ամսական հաշվարկներից, իրավահարաբերության ծագման պահին գործող <<Եկամտային հարկի մասին>> ՀՀ օրենքի 10-րդ հոդվածի 1-ին մասի 8-րդ կետով նախատեսված՝ 2013 թվականի նոյեմբեր, դեկտեմբեր, 2014 թվականի հունվարից-օգոստոս ամիսների եկամտային հարկից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից.

շրջանառության հարկի գծով պարտավորությունը կազմում է **39.640 դրամ**, որից ապառք՝ 18.469 դրամ, տույժ՝ 21.171 դրամ, որն առաջացել է 2013 թվականի 4-րդ, 2014 թվականի 1-ին եռամսյակների շրջանառության հարկի հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից.

Եկամտահարկի գծով պարտավորությունը կազմում է **2.004 դրամ**, որից ապառք 79 դրամ, տույժ՝ 1.925 դրամ, որն առաջացել է 2012 թվականի ֆիզիկական անձի տարեկան եկամուտների պարզեցված հաշվարկից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից:

<< հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ

Ո Ր Ո Շ Ե Ց Ի

1. Անհատ ձեռնարկատեր Արմեն Գասպարյանից գանձել **266.275 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ.

ամսաթիվ

Անձի անուն ազգանուն

Կատարող՝ ԻՎ ՀԳ քաժին,

գլխավոր մասնագետ Մ.Մաթևոսյան

հեռ.011-54-91-65